



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ad Leonem X. Pontificem Maximvm

[Straßburg], 1519

VD16 L 3409

Corollarivm III.

urn:nbn:de:hbz:466:1-34717

RATIONE AD EVCHARISTIAM SERMO

accipietis, & fiet uobis. Et iterum dicet tibi illud. Fiat tibi si
cut credidisti. Si enim accederes sine ista fide, iudicium tibi
omnino acciperes & mortem. Sic enim in omni alio sacra-
mento non nisi illusio & fictio agitur, si sine fide suscipitur,
quod est horrendum. Hæc itaq; fides sola & summa ac pro-
xima dispositio, facit uere puros & dignos. Quia non nitit
tur in operibus aut uiribus nostris, sed in purissimo, p̄iissimo
firmissimoq; uerbo CHRISTI, dicentis, Venite ad me o-
mnes qui laboratis & onerati estis, & ego reficiā uos. Et ite
rum, Beati qui esuriunt & sitiunt iustitiam, quoniam isti sa-
turabuntur. Fides em̄ est, quæ iustificat, purificat, dignificat.
Et Actuum decimoquinto, Fide purificans corda eorum.

C O R O L L A R I V M III.

Quicquid sit de cōtritione tua, de pœnitentia uera uel falsa, illud maxime stude, ut in præsumptione istorum uerbo-
rum CHRISTI accedas. Et sic accedens illuminaberis, &
facies tua non confundetur. Vel matrem eius noli menda-
cem facere, ubi dicit, Esurientes impleuit bonis. Et multo
magis, ne ipsummet dominū arguas mendacij, ubi promit-
tit, Venite ad me omnes. Argues aut̄ mendacij, si non credis
eum ita facturum tibi sicut promittit. Ideo infidelitas est ma-
ximū peccati, & recta blasphemia in charitatem diuinam
Sexto, Si sentis te nec ista duo posse, uel satis posse, si uere
senties, si te ipsum probes, hic non uerear is cum Apostolis
dominū orare, Domine, adauge nobis fidem. Et cum illo pa-
tre dæmoniaci, Marci nono. Domine, adiuua incredulitatē
meam. Sic intra in cubiculū tuum, & dic patri tuo in cœlis,
Ecce mi domine IESV CHRISTE, miseriam meam re-
spice, inops & pauper sum ego, & tamen adeo fastidiosus
medicinae tuæ, ut nec diuitias gratiæ tuæ suspirem. Accen-
de in me domine desyderium gratiæ tuæ, & fidem promis-
sionis tuæ, ut non offendam te optimum deum meum, per
uersa mea & incredulitate & saturitate mea. Ac sic accede

V iiiij

R. P. MARTINI LVTHERII DE PRAEPA-

cū fiducia misericordiæ eius, & in timore indignitatís tuæ. Sed hic tractandum est illud Apostoli prima Corin. xi. Probet aut̄ seipsum homo, & sic de pane illo edat &c. Hoc uerbū multi sic intelligere uident̄, ac si uelit Apostolus nos non ante accedere, quam donec inuenierimus nos dignos & pueros ab omni peccato, ideo sibi ipsis faciunt angustiā & carnificinam conscientiæ, discutiendo, conterendo, confitendo nō solum uenialia, sed ea quæ non sunt peccata. Et ijs factis (quod est horrendū barathrum præsumptionis) iam fecure accedunt, nec de fide sua quicq̄ solliciti, uolunt enim iusti & digni uenire, & similes deo, sicut Lucifer. cum deberent uelle iusti & digni fieri & redire, a deo. Igitur illud uerbi dictū est contra eos, qui CHRISTVM diuidebant in diuersas sectas, alij uolētes esse Pauli, alij Cephæ, alij Apollo, alij CHRISTI, pri. Corin. tertio. Et ideo inuicem iudicabant & damnabant, atq̄ contemnebant. Insuper ad sacramentū alij alios præueniebant, & præsumebat ut alij uenturi nihil haberent ut clare ex textu & glossa beati Ambrosij patet. Quos Apostolus arguit & pronūciat indigne manducare &c. Volens ut seipso potius probarent, iudicarent, damnarent, & non alios. Ea enim discordia (ut supra quoq̄ diximus) maxime facit indignos & reos corporis domini. Et hāc eius esse sententiam, sequentia ostendunt, Itaq̄ fratres mei, cum conuenitis ad manducandum, inuicem expectate, ne in iudicium conueniatis. Item. Si nosipso iudicaremus, non utiq̄ iudicaremur a dñō. Item. Non dijudicans corpus domini, quāsi diceret, ita acceditis, ac si corpus domini nihilo esset dignus reliquo pane naturali. Potest quidem illud uerbum etiā de probatione intelligi, qua homo peccata sua discutit atq̄ ponderat. Sed ea non est satis, nec pertinet nisi ad insensatos & crassos illos sacramenti contemptores. Non enim sufficit ut probes & ponderes, quam malus fueris, nisi magis ponderes & probes, quam bonus fieri cupias & anheles.